

【教育部新聞稿】(閩南語版)
教育部閩南語認證 113 年第 2 改考試從 4 月 15 開始報名

發布日期：113 年 4 月 15 日

發稿單位：終身教育司

承辦人：甘佩玉

電話/手機：(02)7736-6812/0920-697-756

E-mail：celinegan@mail.moe.gov.tw

新聞聯絡人：黃鈺維科長

電話/手機：(02)7736-6801/0920-643-887

咱教育部閩南語語言能力認證考試對 112 年開始，一冬就會辦 2 改。今年度第 1 擺的考試(包含 A、B、C 卷)已經佇 3 月考過矣，第 2 擺按算 8 月欲辦，干焦會考 A、B 兩卷。因為這擺 A 卷頭擺改做電腦化測驗，目前規劃排佇第 2 工 113 年 8 月初 4 (禮拜)考；頭工 8 月初 3 (拜六)會先考 B 卷。報名猶原維持 1 人干焦會當報 1 卷爾爾(niâ)，咱欲報名著較點陳咧細膩袂蝕本。

有關 8 月考試報名的時間，對 113 年 4 月 15 早起 9 點開始，到 5 月初 10 下晡 5 點。報名的對象無限定身份佻年歲，凡若有興趣的，攏會當上網報名。報名費 250 箍，19 歲以下的通優待免祛錢。考試彼工，所有測驗的項目(聽、講、讀、寫 4 項)若考攏有齊著的，阮有攢 1 份紀念品欲來相送喔。

閣再，猶未讀冊的細漢囡仔(6 歲以下)抑是歲頭較濟(65 歲以上)的人若欲考 A 卷，感覺家已齊用電腦考試加減會有困難的，嘛通申請特殊的服務。特殊考試的方式，除去口語測驗自底就是用電腦考的掠外，其他的科目攏會當維持用紙筆的方式考。詳細的說明請看刊佇考試網站(<https://blgjts.moe.edu.tw>)頂懸的簡章內容。為著欲予考生適應用電腦考試，教育部已經佇 112 年 10 月 18 號公佈電腦化測驗線頂模擬平台(https://blgjts.moe.edu.tw/tmt_demo)，考生會當較捷來試用看覓咧。

教育部對 99 年開始辦認證考試，到今報名總人數都也有 18 萬 6,971 人起起囉。咱若按今年 3 月報名的資料共看，猶是學生族群報名的人上濟，有 9,200 人，其中 12 歲以下的就有 4,113 人，占欲學生族群的 4 成較加。向望未來有閣較濟的少年家通相招來學咱在地的本土語，本土語欲生濃有恁相佻決定會有卜面。

有關考試的資訊，已經有共刊佇認證考試的網站

(<https://blgjts.moe.edu.tw>)，會當去「最新消息」查。若猶有其他考試相關的問題，才請聯絡承辦單位國立臺灣師範大學。服務專線：0800-699-566、(02)7749-3664；嘛有服務信箱：blg.sce@deps.ntnu.edu.tw。